

آبونه شرائطی : مزبور
 ایچون سنه لکی (۲۷۵)
 آتی آیلنی (۱۵۰)
 غروشدور .

نسخه سی ۵ غروشدور
 سنه لکی ۵۲ نسخه دیر .
 اداره خانه آنقرده حریت
 اوتلی قارشوسنده کی
 سوقاقدہ

اخطارات
 آبونه بدلی پشیندر .

مسلمه موافق آثار مع المنونیه
 قبول اولنور . درج ایدله یین
 یازیلر . اعاده اولنماز

والله یهدی من یشاء الی صراط مستقیم

باش محرر
 محمد عاکف

صاحب و مدیر
 اشرف ادیب

انبیون اهدکم سبیل الرشاد

الکتاب

۱۳۳۷

ادرس تبدیلنده ایریجه
 ۵ غروش کوندرملیدر

مکتوبلرک امضالری واضح
 و اوقونافلی اولسی و آبونه
 صره نومروسنی محتوی
 بولمسی لازمدر

ممالک اجنبیه ایچون آبونه
 اولانلرک آدرس لرینک
 فرانسزجه یازلمسی
 رجا اولنور

پاره کوندردیکی زمان نهیه
 دائر اولدینی بیلدرلسی
 رجا اولنور

اذ اعجبتکم کثرتکم الخ) آیت جلیله سی اصحابی تمامیه ارشاد بیوردی .
اسباب مادیہ نیک احضارندن صکرہ نصرتی اللہدن بکلمہ مک ، اللہہ
متوکل اولہرق عزیم یوللرینہ یوروکم دستورینی تقویہ ایلدی .
شیمدی بزا ناطولی مسلمانلری لازم کلن اسباب مادیہ بی جاضرہ
لامقدہ قصورایتدک . حق وسعمرک فوقدہ دینہ جک درجہده حقوقنرک
مدافعہ ومحافظہ سی اسبابی حاضرلادق . بوملت پک آز بر زمانده
بویوک بر اردو جیقاردی . اوردوسی صوک سیستم سلاحلرله تجهیز
ایلدی . اوندن صوکرہ متوکلاً علی اللہ کفار اردولرینہ قارشی طورددق .
عون حقلہ ابن اوکنده ایکی دفعہ دشمنی مغلوب و مقهور ایتدک .
فقط صلیب اوردوسی ، بالخاصہ بویوک اسلام دشمنی اولان انکترہ نیک
یاردیمله تجهیز ایدیلدی ، اونک تشوقیلہ تکرار حرکتہ کلدی . اوچنجی
دفعہ اولمق اوزرہ اسلام اردولرینہ صالیدردی . ایشته شیمدی اون کوندن
فضله در حربہ دوام ایدیورز . کرچه دشمنہ بعض شهرلر ، قصہلر
ترک اولوندیسهده عسکرلک ایجاباتی اردو ، شیمدی فن حریک اقتضا
ایلدیکی ایلری ، کیردی مانورلر یامقلہ مشغولدر . مظفریت قطعیه نیک
بزدہ قالہ جفنی ، ظالم وخونخوار دشمنک بویوک برہزیمتله دکر اوتہ
لرینہ آتیلہ جنی کونلرک پک یاقین اولدیغه قناعت تامہ ایلہ ایمان ایدرک
مجاهدہ مزده دوام ایدہ جکیز . آقیلان معصوم قانلرک ، ہتک ایدیلن
اسلام ناموسلرینک ، ییقلاق معابد ومقابرک ، سوندوروان خانانلرک
بار مسئولیتی آلتندہ دشمنک محو و نابود اولدیغنی کورہ جکیز (وعذب
الذین کفرو وذلك جزاء الکافرین) بوماقت ، کافرلرک مستحق اولدقلری
جزای الیدر . دشمنلر بوجزایہ دوچار اولہ جقلردر . نصرت وظفر
عزیم ایلہ توکلی دستور اتخا ایدن مؤمنلر کدر . مجاہدہ مرقی سبیل اللہدر .
کلمہ الہی اعلا ایچون ماللرمزی ، جانلرمزی فدا ایدیورز . منارلرہ
چاک آصیلماق ، آیات الہیہ یرلرہ سورومہ مک ایچون حرب ایدیورز .
نصرت الہیہ ہیچ شہہ یوق کہ بڑہ توجہ ایدہ جکدر (ان تنصروا اللہ
ینصركم) قرآن جلیلک دستورلری لایتغیردر . جناب حقک وعدلری
خلف قبول ایتز . (والعاقبة للمتین) . (وما النصر الا من عند اللہ
الغیرزالحکیم) قرہ حصار صاحب مہموی

خواجہ شکری

خطابه

اک رجال امت ! ای اہل حل وعقد ملت ! سزہ عائد خطابه می
براز دہا تطویل ایدہ جکم ، سز بتون امت اسلامیہ نیک تدویر امورینہ
وکیل بولنیورسکیز . بوامتک یکانہ قانونی بتون دنیاہ ، موقہ دکل ،
ابدیاً بقانون سعادت اولاجق اولان قرآن کریدر . بوملت ادوار

اعتلا وترقیسندہ اوقانون قومدن بشقہ قانون طائماش ، آنجق اونک
فیض وتوفیق ایلہ منصور ومظفر اولمشدر . سزلر بوکون یالکیز آنا
طولینک دکل ، دزتیوز کسور میلیون مسلمانک استنادکاهی سکیز .
بومسلمانلر سزہ نہ قانون افرنج ، نہ مدینت جدیدہ ایلہ دکل ، یالکیز
قرآن ایلہ علاقہ داردر . اوقرآن کہ بشریتک بیکلر جہ سنہ لردہ صعود
ایدہ میہ جکی ، شمدیکی مدینت مدعیلرینک تصور و تجیل بیلہ ایدہ مدیکی
مرتبہ اعلی العلاسینک بتون ضوابط وقواعدینی وضع ایتش ، اونک
دائرہ وسیعہ سندن بتون وحشتلر ، سفاعتلر مطرود بولمش اولان
کتاب جلیلدر . سز نہ وقت اودستور قومدن باشقہ سی ، بالخاصہ غریبک
مدینت غیر معقولہ سی ملککیزدن دفع و رفع ایدر ، بتون انوار تمدن
وتکملی اونوردن اقتباس ایدر سہ کیز مطہئن اولیکیز کہ فرداً فرداً
ہر مسلمان حکومتک برر عضوی ، برر مدافع غضنفری اولہرق
بولہ جق ، بتون دنیا نیک تہاجندن پروا ایتہ جکسکیز . چونکہ محارب
ویا مخالف اولانلر اللہ ورسولی ایلہ حرب ایتش حکمندہ اولہ جق
واونلرک خصمی اللہ ورسولی بولہ جقدر .

نتہ گیم منع مسکرات قانونی کی بر حکم شرعی بی ترویج ایتدیکیز .
بتون آناطولی خلق ، بتون مسلمانلر سزہ بر مربوطیت صمیمیہ ایلہ
عطف نظر ایتدیلر . بولنظرک فیض فتوحی دہ ظہور ایتدی . انشاء
اللہ نور قرآنہ تقریکیز دہا زباده لشہ جک واو نسبتدہ ظفر قطعی
واستقلال تام ایلہ کامیاب اولہ جقسکیز . دنیا دہدہ ، آخرت دہدہ ہر بریکیز
برر منجی ملت عنوانی آلہ جقسکیز . امت اسلامیہ نیک شوصوک جدال
حیاتندہ نصرت الہیہ ہر حالہ کمالیلہ تجلی ایدہ جک . مسلمانلق کنندیسنہ
لایق دروہ اعلاہ صعود ایلہ جکدر . بڑہدہ او نصرت الہیہ بی جلب
ایدن اعمال صالحہ ، تدابیر مشروعہ توفیق اولہ جقدر .

امین اولہلم ، مقلب القلوب اللہ تعالی وتقدسیدر . بڑ اللہ تعالینک
رضاسی خلافتدہ اجانبہ نہ قدر تقلید و نمائشات ایتسہک اونلرینہ بزدن
راضی اولمازلر . کندولرینک ایتدیکی مظالم ووحشتلریینہ بڑہ اسناد
ایدرلر .ینہ بزوحشی ، کندولری مدنی اولور . فقط بڑ اللہک رضاسی
دائرہ سندہ حرکت ایدر سہک جناب حق اونلرک قلبلرینہ بر خوف
وہیبت ویرر . ہم بزدن قورقارلر ، ہم دہ بڑہ نمائشات ایدرلر . تاریخ
اسلامی تدقیق ایدر ایتسہک کورورز کہ ہب بویلہ اولمشدر . اونلرک
محبتلری دخی آنجق بودائرہدہ جلب اولنہ بیلور . چونکہ مقلب القلوب
آنجق اللہدر .

بزم حکومت مز نام بر اسلام حکومتی وافراد مز نام برر مسلمان
اولورسہ . کہ انشاء اللہ اولہ جقدر . خارجدہ کی مسلمانلر دخی بڑہ
عشق ایمانلہ منجذب اولہ جق واو انجذاب ایتسہ بڑی مادہ ، معنأ ،
سیاسہ ، اقتصاداً مستفید ایدہ جکدر . اویلہ مستفید ایدہ جکدر کہ

شیمدی میونلره مسلمان منافعه، حتی مسلمان قانی ایله کندولری
غالب کوسترن او دولتر بزم التفاتمه محتاج اوله جقلردر. اعتراف
ایدهلم، بز حقیقه مسلمان اولورسهك؛ مسلمانلک فضائل و معالسنی
فعلیاتمه ارانه ایدرسهك؛ عالمده هر عاقل یا اسلام و یا محب اسلام اولور.
عمده نجات آنجاق احکام و اوامر قرآنییه فردی و اجتماعی
اتباعدهدر. انصاف ایدهلم، ایشیمزه کلن احکامنی قبول، ایشیمزه
کله ینلره عادات افرنجیه و یا افکار ذاتیه منی ترجیح ایتکدن فارغ اولملی یز.
ای امرای عسکریه! ای ضابطان! ای نفرات عسکریه! صوک
خطاب سزهدر. چونکه صوک چاره سازمن سزك سیوف جلادت،
قلوب متانتکزددر. سزدن فن حربك اک صوک تکملاتنک عملیاتنی
کوزلیورز. عموم اناطولی خلق، حق اختیارلری، قادین و چوجقلری
سزك امریکزه باقیورکهلدی الحاجه سزه التحاق و مظاهرت ایده جکدر.
ای مدافعه ملیه آمرلری! سز همان اولمیونلره بالغ اولان افراد
امتی فن حرب دائره سنده و لزوم و وجوب رتبه سنده سوق و اداره
ایدیکز. اولومدن قورقان بر فرد اسلام یوق. بر ولایت، بر مملکت
دکل، بر قاریش طوبراق ایچون عمومز فدا اولمغه حاضرز. بز
مسلمانلره کوره ناموس، وقار ملی ایله بر قاریش طوبراغه مالکیت،
استقلال و ناموسه مقارن اولمایان بتون دنیایه راجحدر. یالکیز سز
دنیاده اک متفنن، جنکاور عسکر اولیکز. فقط او قوتکزه
او قوتکزه اصلا غرور و اعتماد ایتمه یوب نصرت و موفقیتی یالکیز
آلهدن بیلکیز. سز قلبکزه قوت ایمان نه قدر ایسه موفقیتی ده
اونسبتده کوزله ییکز. نفرات عسکریه اعمال و فرائض دینییه
مواظبت تلقین ایدیکز. دیندار قلیلردن چیقان بر کلبانک تکبیر
قرق ایکلیک طوبلردن ده مؤثردر.

سیواس مبعوثی

مصطفی تقی

تنظیماتجیلق

قرداشم اشرف ادیب ...

بیوک ملت مجلسنه اتحاف ایتدیککیز، «تنظیماتجیلق بو مملکت
ایچون محض فلاکت اولمشدر، سرلوحه لی مقاله کزی کمال دقت
و احترامله او قودم... حسن نیتدن اصلا شبهه جائز اولمایان بر
مسلمان متفکری اولدوغکزه قناعتی پشین اولارق عرض ایلدکدن
صوکر ا عین مقابل قناعتی ایستیه رک مقاله کزه دائر مطالعاتی بر
وجه آتی سرد ایدرم:

قناعتجه حقیقی تنظیماتجیلر اصلا دینسز دکالردی. سوء اداره
یوزندن اعصار دیده دولتک، یوزلره کوچوک کوچوک اسلام
سلطانلقاری آراسنده معلاي خلافتی ده سینه سنده طاشیان عثمانی
دولتک، تفسخ و انقراض الیمی قارشیسنده چاره نجاتی آریانلر
طریق تقلیدی واسطه خلاص تلقی ایتدیلر. و بر ملتک عصرلره
کچن زمانلر سایه سنده مالک اوله بیله جکی مؤسسائی ییقارق، ده
انصافی سولتک لازم کلیرسه اهل ایدرک، دیگر ملتک یینه عصرلره
زمان کچدکدن صوکر تکامل ایدن مؤسسائی عیناً قوییه ایتکدن
فائده امید ایتدیلر... حالبوکه: ابتدا حقیقی تنظیماتجیلر حقیقی دردی
کوره مه مشلردی. ضربدن آدقلری فکرلره قوردقلری بعض مؤسسسلر
مع الاسف تنظیماتجی مقلدلری ییتشدیردی و بو مقلدلردرکه: دولت
و ملتک باشنه بلا اولدی... اوت... حقیقی تنظیماتجیلر، حقیقی دردی
کوره مه مشلردی. چونکه مقلد بر قانون اساسی و مشبه بر مجلس ملی
عمومی درده دوا اولامازدی و نتکم اولامادی ده... قانون اساسیلردن،
ملت مجلسلردن و نشر ایده جکلری قانونلردن بکله ن فائده بردر:
هیئت اجتماعی، حقوق و وظائف متقابله سنی ییلر انسانلردن مرکب
برحاله قویقی... حکمدارندن اک کوچوک بر مأمورینه واک بسیط
بر فردینه قدر هر کسه حق و وظیفه یی اوکرتک... ایشته تنظیماتک،
قانون اساسینک مات مجلسنک وظیفه سی... فقط قانون اساسی و ملت
مجلسی بو وظیفه یی ایفا، یعنی حقوق و وظائف متقابله یی حسن تعلیم
ایچون قلیلرده کی معنوی تأثیراتک دوچار وهن و انحطاط اولماش
بولنسی ایلک شرطدر.

عثمانی دولتی تشکیل ایدن افراددن، حکمدارده داخل اولدوغی
حاله همان هیچ بریسنده قلب و بالنتیجه معنویات آمر بولونما یوردی.
تنظیماتجیلرک پیری سلیم ثالث حضرتلرینک حیات خصوصیه لری، سلطان
محمود، مجید و سائر خاقلرله وزیرلرینک حیات خصوصیه و عمومیه لری تدقیق
ایدیلیرسه بو حقیقت در حال تظاهر ایدر... جریمه و آغاریه نک الغاسنه دار
خطهایونک نشرندن بیلم قاج کون صوکر دفتر دار افتدینک اموالنی
مصادره ایله یی ذواتی بوکا بکزر نیجه حرکاتیه تاریخ قید ایتشددر...
بو تفصیلاتدن شونی قصد ایدیورم که: تنظیماتجیلر حقیقی خسته لغی
آ کلایه میهرق یالکیز صمیمتله حرکت ایتدیلر، حسن نیتله جالیشدیلر.
فقط حقیقی دردی اصلا کوره مدیلر. چونکه، کندیلریده عین خسته لقله
مملول ایدیلر... بودرد: معنویات چوروکلکی دردیدر...
بویله اولماسه یدی تنظیماتجیلردن فلان وزیر، متردد برلسانله
«چوقایی اداره ایلدیکمزی ادما ایتهم... فقط هیچ شبهه یوق که
دها فنا اداره مه مانع اولیورز، دی یه رک شان و شهرتیه غیر متناسب بر
درکویه یو وارلامازدی... قوتی مؤسسات و معنویات اسلامیه دن